

*LI. Ratio conficiendi Nitrum in Podolia: Au-
thore — Wolf, M. D. communicated by
Mr. Henry Baker, F. R. S.*

Read Dec. 22,
1763. **N**ITRUM, quod in Europa con-
sumitur, longe maxima parte ex
India Orientali adfertur: ceterum fere omne ex
Ucrainia, tam Polonica, quam Russica, vel adja-
centibus provinciis venit. Obtinetur elixivatione
ex humo et cineribus. Humus quidem sola est ve-
getabilis et animalis; sed præterea etiam opus est,
ut diu sit immota, inculta, deserta. Talis in U-
crainia et Podolia est valde frequens. Nam incul-
ta jacet hæc regio quasi a tertio æræ christianæ se-
culo, quo Getæ, antiqui possessores, a Bulgaris ex-
trudebantur, quorum posteri pecorum magis quam
agrorum, urbiumque culturæ incubuerunt. Max-
ime vero ob bella superioris seculi, Turcica, Cosa-
cica et Tartarica, ab incolis deserta atque relicta
est; nostrâ tamen vitâ, confluentibus colonis ob-
præcellentem fertilitatem soli, jam satis colitur.

Amplissima hæc planities, quantum videre licuit,
tegitur humo nigra vel subrubra, ad paucorum pol-
licum, vel pedis profunditatem, sub qua jacet ter-
ra plus minus alba, cretacea, calcaria, margacea, (vel
saxum ex his induratum) conchyliis marinis pluri-
um generum referta, multis in locis adeo copiose,
ut tota non videatur, quam iis solis, constare. Ar-
gilla et sabulum minus frequenter occurrunt. Ista
humus vero est adeo levis, et in aqua adeo solubilis

ut

ut a pauca pluvia statim diffluat, atque a levi vento, vel a sole citissime siccescat, et in pulverem nigrum subtilem, viatorum vestimenta, ad cutem usque penetrantem et denigrantem, attollatur.

Indicia terræ, nitro prægnantis, talia habent coloni: si bene nigra, tactu lævis, non sabulosa, in farinam subtilem friabilis: si fimoſa, pinguis: si faporis frigidi nitroſi: si diu videatur relicta, immota: maxime vero dives æſtimatur si efflorescentiâ nitroſâ, instar lanuginis albæ, obtecta sit: hinc, ubicunque ſufpicio eſt, oppidum quondam fuifſe, vel pagum, vel ſtabulum, vel coemeterium. Præſertim tamen colles appetunt, in his locis valde frequentes, quos Mogily appellant. Horum figura conica arte factos eſſe facile prodiit: de plurimis etiam certo ſcimus, in memoriā p̄c̄liorum, ibi editorum, congestos eſſe; de reliquis vero ob ſimilitudinem idem arbitramur. Ex his unus, ob insignem magnitudinem, Szeroka Mogila, ſeu magnus collis, dictus, prope Granoviam ſitus, perantiquus, forte per 100 annos jam nitro conficiendo inservit. Hujus diameter 300 circiter eſt paſſuum, et, quantum ex rēſiduo ſegmento hyperbolico æſtimatur, 300 pedes facile altus erat. Fabula narrat, Reginam quandam, accepto nuncio, de rege ab inimicis profligato, cum novo exercitu approperaffe, et errore inimici, proprium maritum in hoc loco opprefſiſſe. an oſſa occiſorum ſub fundo lateant, ultior effoſſio docebit.

Pro fabricatione nitri, locum eligunt vicinum illi, ubi terra nitri ferax ſatis copioſa, ut ſaltem per æſta- tem unam operi continuando ſufficiat: rationem tamen etiam habent aquæ et ligni, quo nempe commodi- us atque minori pretio convehi poſſint. Utensilia huc

pertinentia uno vocabulo appellant Maydan, et consistunt sequentibus.

1. Ahenum æneum magnum, continens dolia 15, seu amphoras 60, quarum quælibet capit congius 6 (gallons) seu libras 54 aquæ.

2. Dolia lignea 100 superius aperta, et prope fundum pertusa foramine, pro lubitu claudendo : capacitas horum est talis, ut contineant terræ carrum unum, quod redit ad amphoras 4 vel quinque.

3. Cadi duo permagni, amphorarum circiter centum.

4. Alvei 32, seu excipula lignea lata, amphoram unam vel paulo plus continentia, quæ cristallisationi inserviunt.

5. Præterea amphoræ aliquot pro apportanda aqua.

Furnus ex terra effoditur, in quo ahenum ope laterum firmatur, in eadem cum horizonte linea. In peripheria aheni adhuc circulum ex asseribus parvis construunt, ad octo circiter pollicum altitudinem, atque luto superinducunt, ne lixivium, forte nimis ebulliens, marginem aheni transcendat et effundatur. Proximo loco ad ahenum ponunt cados illos duos magnos, cetera circumstant. Pro transfundendo lixivio vel aqua, utuntur canali ligneo portabili.

Jam terram nitrosam effossam ad furnum vehunt, vel, si is propinquus, eam statim in loco effossonis probe comminuant spatulis ferreis, lapides et similia auferunt, atque in acervos congerunt, ita, ut laxe fibi invicem incumbat. Si hæc terra nitro valde dives, (quod ex pinguitudine et efflorescentia lanuginosa noscunt) admiscent ei aliam minus divitem, æquali copia, bene tamen nigram, diu relictam : nimirum, termino chymico, terræ animali admiscent pure vegetabilem. Tandem addunt cinerum partem quintam circiter, vel minus, prout experientia docuerit, et similiter bene subigunt. Alii tum demum cineres addunt, dum

dum terram in dolia immittunt. Cineres sunt ex fraxino utpote communiori arbore. Si urina ad manus, vel matrix nitri superabundans, has etiam adfundunt. Calcem vivam vero, quantum audivi, non addunt. Sic copiam terræ præparant, incipiente æstate, et per totam æstatem similiter continuant, ne sub continua coctione deficiat. Alii terram, quæ æstate sequenti elixvari debet, per antecedentem æstatem convehunt et præparant. Communis tamen praxis est, terram effossam et præparatam, statim in ipso loco effossonis elutriare; quod ita peragitur.

In quodlibet doliorum 100 supra N°. 2. memoratorum, immittunt terræ præparatæ nitrosæ carrum unum, nempe amphoras 4 circiter. Aquam frigidam (alii fervidam) superaffundunt ad repletionem dolii: cineres, si nondum additi, addunt: et baculo bene circumagitant. Sic relinquunt per 24 horas, nisi quod agitatio cum baculo interdum repetatur. Hoc tempore elapso, lixivium sic enatum, per foramen, prope fundum doliorum, emittunt, et in cados duos magnos N°. 3. memoratos, transfundunt. Terram sic elutriatam ex doliis ejiciunt, novam immittunt, et similiter operantur. Ita quotidie fit, quoisque nitri coctio durat.

Pro nitri excoctione opus habent matrice nitri, quæ est lixivium spissum, post nitri crystallisationem relicturn, jam ulterius in crystallos non cogendum: quare hoc lixivium sollicite ex anno novissimo in subsequenter servant. Hoc enim deficiente, per octo sæpe dies, sub continua ebullitione, lixivium recens nitrum coqui et inspissari debet, antequam ad crystallationem idoneum evadat. Cujus phænomeni ratio in eo sita videtur, quod lixivium recens istum caloris

gradum non assumat, qui pro abigendis partibus pinguis et alcalinis volatilibus requiritur, quæ densitas requisita ipsi conciliatur per matricem nitri, copiosam terram calcariam in acido salis et nitri solutam, continentem. Hoc lixivio vero semel obtento, excoctio citius perficitur.

Nimirum hujus matricis nitri dolium unum vel alterum in ahenum infundunt, et lixivium recens nitrosum in cadiis magnis collectum addunt, ad repletionem aheni, ignem subdunt, et sub continua ebullitione coquunt, fere per 24 horas. Tunc signis crystallisationis in superficie apparentibus, lixivium hoc excoctum, spissum, ex aheno, in alveos illos planos 32 sub N°. 4. memoratos transfundunt: ibique iterum per 24 horas relinquunt. Sic crystallisatione facta, matrix nitri, ab hac crystallisatione residua, ex aliis decantatur, et in ahenum reaffunditur. Crystalli nitri eximuntur, et exsiccantur, quæ impuriores sunt, et pro depuratione, in aqua pura iterum solvuntur, per lanam filtrantur, in aheno minori inspissantur, et secunda vice crystallisantur in nitrum purius vendibile. Matrici nitri in ahenum reinfusæ addunt similiter novum lixivium recens nitrosum ex cadiis illis duobus magnis, coquunt per 24 horas et crystallisant. Hac ratione opus per totam æstatem continuat: hieme a gelu impeditur.

Productum diei unius dicunt doba, et ad minimum computatur ponderis unius (kamien, five 14 oko) quod reddit ad libras communes 42. Sub depuratione oko unum vel 3 libræ ab hoc quanto decadunt. Pondus unum nitri venditur hodie in loco confectionis rublis 4 (17 shillings). Verum tempore pacis multo vilius.

Quod si carrum unum, seu amphoras 4 terræ nitrosæ præparatæ cum cineribus, laxe cohærentis, sumamus pro pedibus cubicis quatuor; patet, ex 400 pedibus cubicis hujusmodi terræ obtineri libras 40 circiter nitri, adeoque libra una nitri in 10 pedibus cubicis terræ præparatæ, vel in 7 aut 8 pedibus cubicis terræ compactionis effossæ hæret, licet hoc adeo exacte computari non possit.

Terram istam, ex qua nitrum dicta ratione extractum, ex doliis ejectam, in aggeres quatuor circiter pedes altos congerunt, et sic relinquunt per annos septem, quo tempore elapso, maydan in eodem loco collocant, et ex eadem terra, simili opere æqualem fere nitri copiam elutriant. Sed tertia vice post septem alios annos, non quidem omni nitro caret, sed jam operæ pretium non solvit.

Nullus dubito, hunc nitri parandi modum ex orientalioribus regionibus huc pervenisse, et in India atque China non absimili modo fieri. Qua ratione vero in Europa fiat, autores bene multi describunt. Omnes humum et cineres requirunt, alii etiam urinam, alii etiam calcem vivam. Hanc miscelam omnes aëri exponunt, vel libere, vel sub tecto, vel muris ex luto constructis superinducunt, vel in aggeres altos congerunt, vel in fossas profundas laxe conjiciunt. Omnes etiam, quocunque modo hoc fiat, nitrum obtinent: copia tamen valde diversa, quæ, ut facile videatur, non tam ab operosa et sumptuosa expositione, quam ab ipsa pinguedine humi pendet.

Nitrum puritate multum differt. Naturale primæ crystallisationis nunquam caret sale communi. Non semper est prismaticum, sed etiam invenitur cubicum, æque bonum ac illud, si basis alcalina sit mineralis, ex
sale

sale communi, vel aliunde. Figura enim semper ab alcali non ab acido pendet, licet Linnæus bonam partem systematis fossilium huic errori superstruxerit. Si multum terræ calcariæ, et non satis cinerum, sub coccione nitri adhibitum fuerit, crystalli erunt minus firmæ, et solutæ per alcali præcipitantur, quod bono nitro non accidit. Si cineres fuerint ex duriori ligno, nitrum erit magis firmum, et in crystallis bene magnis, quale est Indicum. Si in humo adhibita, terra metallica, uti martialis delitescit, semper ejus aliqua pars, saltem tinctura in nitro relinquitur. Sic Indicum est rubellum, et aquam fortem dat multo magis fumis rubris refertum, quam Polonicum. Ex hoc enim cum vitriolo Anglo destillata aqua fortis est viridis, quæ si a mercurio abstrahitur, relinquit præcipitatum flavum, et per cohabitationem, album, bonaque pars mercurii in aqua forti abstracta latet. Præfertur vero nitrum Polonicum a chemicis omni alio, utpote sincerum.

Ut plurimum, nitrum ab Anglis, Hollandis, Polonis et Russis, multo minori pretio emi, quam domi fieri potest. Ratio facile patet quod in his regionibus ligna et cineres quasi gratis habeantur, vectura quoque et opera manualia a colonis servis fiant. In regis Boruffiæ dominiis forte plus nitri conficitur, quam in omni reliqua Europa, et tamen vix credo, millesimam partem domesticam fuisse ejus, quod in præsenti bello absuntum. Nempe magis necessaria, magisque proficia nobis est terra, nitro et sale volatili prægnans, pro foecundandis agris, atque conficiendo pane, quam ut nitrum destructivum inde elixivetur, vel parum utilis sal ammoniacus inde sublimetur. Talia desertis incultisque terris relinquenda sunt.

Cogitationes quædam circa originem Nitri.

NITRUM commune ex alcali fixo vegetabili et acido nitroso componitur. De origine prioris non disputatur, cum cineres ad nitri confectionem sumantur, neque sine his bonum nitrum in copia fieri possit. Cum tamen etiam sine additis cineribus paucum nitrum ex humo elutriari possit, valde probabile est, in humo adhuc aliquid alcali fixi, per putrefactionem nondum destructi, latere. Vel etiam per coccionem alcali fixum eadem ratione hic generatur, quâ oritur dum Tartarus cum calce viva, vel creta coquitur. Hoc experimento Kunkel, et post illum alii, demonstrarunt alcali fixum vegetable fine igne genitum. In humo vero, et terra calcaria, et acidum, tartari acido simile, per calcinationem et destillationem demonstratur.

Sed de acido nitri, res multa difficultate laborat. Omnes chemici hoc acidum ex aëre derivant, ibique genitum dicunt ex acido universalì vitriolico, atque inde per partes humi alcalinas attrahi. Ne dicam: acidi vitriolici universalitatem per omnem atmosphærā, precario assumi; et nitrum in omni humo generari, licet in tali loco, ubi longe lateque de minera vitriolica nihil videtur: item, in sale alcalico fixo, puro, sincero, per annos in aëre relicto, repetitis experimentis, vix micam salis medii, multo minus vitriolici, observari, modo hoc non fiat in laboratorio, vel alibi, in vicinia vaporum acidorum. Sed pulcræ Margrafiæ destillationes aquæ pluvialis et nivalis lucem huic rei affundunt: obtinuit nempe ex libris 225 harum aquarum lentissime inspissatarum, per additionem salis tartari

tartari puri, pauca grana nitri et salis communis, quæ quantitas inassignabilis minor certe erat scrupulo uno: adeoque in illa pluviæ quantitate, quæ fere est pedum cubicorum $3\frac{1}{2}$ vix tantum acidi nitroſi continetur, ac in scrupulo uno nitri. Jam observationes meteoricæ, docent, omnem aquam per annum unum de coelo delabentem raro ad duorum pedum altitudinem ascendere. Dixi vero in descriptione confectionis nitri podolici, ex pedibus cubicis 10 terræ nitroſæ præparatæ, ad minimum libram unam nitri elixivari, atque hanc terram semel elutriatam in aggeres congestam, post septem annos, simile nitri quantum largiri. Ponamus, 10 pedes cubicos hujus terræ, contingere aërem in superficie 10 pedum quadratorum, et omne humidum, in hanc superficiem delabens, acidum suum omne nitroſum hic figere, nihil vero nec in auras iterum ascendere, nec per aquas defluentes abripi. Cadunt vero in hanc superficiem per 7 annos, aquæ cœlestis pedes cubici 140 quæ per Margrafiū destillata, daret, cum sale tartari, scrupulos 40 nitri, quod longe abest a libra una. Cum vero rationi magis sit consonum, ex aëre non plus nec minus in humum descendere, quam ex humo in aërem ascenderat: attractio etiam acidi per alcali valde fit precaria, cum exinde sequeretur, montes calcarios et cretaceos, ab omni humo denudatos, hoc acido tandem saturari debere, faltem nitro abundare, quod omnino falsum; patet, hanc chemicorum hypothesin stare non posse.

Verum ex omni humo plus minus nitri elixivatur; ex ceteris terris nullum, nisi humo permixtae sint: omnes qui nitrum conficiunt, humum adhibent, neque experimentum scitur, ubi sine humo fieri possit, atque omne nitrum non nisi in superficie terræ ad parvam

parvam profunditatem invenitur, ubi nempe humus est; cum ergo humus non sit, nisi vegetabilia et animalia per putrefactionem destructa, vix dubitare licet, acidum nitri ex regno vegetabili et animali originem ducere, et quidem per destructionem horum componi, cum in recentibus non inveniatur. Salia enim essentialia, nitrofa dicta, Borraginis, Portulaccæ, Parietariae, Millepedum, Lumbricorum terrestrium, etc. etc. non nisi per similitudinem quandam sic dicuntur. Ex fæcibus humanis elixivatis, quidem, nitrum obtinuit Hombergius, sed fæces jam ad humum pertinent.

Vegetabilia et animalia recentia, destillatione, dant spiritum plus minus acidum oleosum fœtentem, ad spiritum tartari accendentem, cum oleo fœtido; priora quidem plus acidi; posteriora plus olei: ex carbone vero residuo utroque paucum sal commune elixivari, atque post ulteriore calcinationem etiam alcali fixum elutriari potest, relicta tandem terra calcaria: et quidem vegetabilia plus largiuntur alcali fixi, animalia vero plus salis communis, et plus terræ calcariae. Humus contra vegetabilis et animalis largiuntur destillatione similes spiritus acidos, similique oleum prioribus, sed longe minori quantitate: præterea vero alcali volatile, quod in recentibus non aderat; et quidem ex vegetabili plus acidi, ex animali vero plus alcali volatile: residuum carbo utriusque, præter sal commune, etiam nitrum, elixivatione præbet, quod in recentibus non aderat; atque post ulteriore calcinationem, alcali fixi nihil suppeditat, quod tamen in recentibus aderat; superstite tandem, ut prius, terra calcaria. Vegetabilis tamen humus plus nitri, animalis vero plus salis communis, continet. Omnis ergo mutatio,

quæ vegetabilibus et animalibus per putrefactionem accidit, videtur confistere, in diminutione acidi et olei, in destructione alcali fixi, et in generatione alcali volatilis et acidi nitrofi. Idem fere efficiunt chymici, qui norunt, omne alcali fixum ab addito paucō oleo et acido, repetita destillatione, in alcali volatile mutari. Acidum vero nitri hac ratione ars chemica nondum produxit, licet, ut infra dicetur, ex combinatione acidi salis cum acido vegetabili vel animali, et parte alcali volatilis, omnino similimum quid obtineatur.

Videretur alcali volatile ad nitri confectionem parum conferre, cum, sub coctione, omne in auras dispellatur; tamen, sine hoc, nitrum vel nullum vel paucissimum obtinetur. Hinc nitri coccatores urinam valde expetunt, et humum animalem, divitiorem alcali volatili, solicite conquerunt, talemque præferunt, quæ diu immota jacuit, cum in saepius mota, hujus alcali volatilis multum per ærem et per pluviam abripiatur. Ob hanc rationem etiam calcem vivam, vel aliam terram calcariam humo admiscent. Hæc enim putrefactionem, et obinde alcali volatilis generationem valde accelerant, ut constat ex pulcris celeb. Pringlii circa septica experimentis, et ex destillatione quorumcumque animalium vel vegetabilium cum calce viva. Ex quibus etiam vera ratio fœcundationis agrorum per terras calcarias patet, ut ad vanam attractionem acidi nitrofi ex ære non opus sit recurrere. Obinde etiam humum præparatam æri exponunt, qui putrefactionem similiter promovet. Lanugo alba, tempore nocturno, terram nitrosam obducens, nitrum sapit, et per microscopium crystallos

nitri

nitri ostendit, sed a sole oriente cito dissipatur: ut profecto vix dubium relinquatur esse hanc lanuginem nitrum volatile, ex alcali volatili et nitri acido constans, quod acidum sub coctione necessario cum alcali suo volatile in auras dispelleretur, nisi ab additis cineribus vel etiam calce viva retineretur. Videtur ergo acidum nitri in origine sua cum alcali volatile conjunctum esse, et verosimiliter inde etiam phlogiston suum specificum, in detonationem adeo primum habet. Nam aurum ex aqua regis per alcali praecipitatum, non fulminat, nisi alcali volatile vel in confectione aquae regis, vel in praecipitatione adhibitum fuerit.

Artificialem acidi nitrofi compositionem chymici saepius tentarunt, de qua re sequentia proferre licet. Multi acidum vitriolicum mutari dicunt in nitrosum per additum phlogiston: sed spiritus vitrioli sulfureus Stahlii, ex vitriolo per retortam fracturalam destillatus, non est spiritus nitri: neque ille, qui ex oleo vitrioli per retortam tubulatam, injectis sensim carbonibus carentibus, destillatur: neque ille, qui ex oleo vitrioli glaciali leni igne destillatur: neque ille, qui ex arcano duplicato per additum alumen ustum vel fabulum destillatur: licet multo sint volatiliores ipso nitri spiritu.

Alii acidum vitriolicum cum alcali volatile combinant, et obtinent salem ammoniacum secretum Glauberi, cum spiritu sulfureo, qui non est nitri. Si sal tartari extemporaneum bene calcinatum in duplo spiritus urinæ solvatur, et cum parte una et dimidia vitrioli Salisburgensis calcinati misceatur, et destilletur; residuum vero in aqua solutum a terra metallica filtretur, evaporetur et in spiritu uri-

næ iterum solvatur, obtinentur sub lenta inspissatione crystalli nitrosæ, quæ sal commune sapiunt, metalla omnia volatilia reddunt, et fusione in occluso solvunt: minime vero nitrum constituunt. Pietschius ex spiritu vitrioli, urina putrefacta et calce viva, verum nitrum produxisse dicitur, quod tamen a vero, basi saltem alcalina vegetabili, omnino differre debet.

Alii acidum vitriolicum combinant cum acido vegetabili vel animali. Sed oleum vitrioli cum tartaro destillatum, dat spiritum tartari sulfureum, nitri nihil: neque ex spiritu theriacali et spiritu tartari, cum spiritu vitrioli et alcali fixo mixtis et destillatis: neque ex spiritu cornu cervi et tinctura antimonii acri, verum nitrum obtinetur, licet simile quid.

Sal commune totum quantum in nitrum mutantum multi frustra gloriantur. Alii magni nominis, inter quos Pottius, volunt: spiritum salis purum per phlogiston purum, in spiritum nitri mutari. Sed spiritus salis volatilis per retortam tubulatam injectione successiva carbonum carentium destillatus, non est talis: neque ille, qui ex sale communi pulvere carbonum (vel fuligine) atque sabulo (vel alumine usto) mixtis, ignitis, tandem per additum oleum vitrioli destillatur. Stahlius vult, acidum salis purum sola solutione ferri in acidum nitri verum mutari: sed repetitum experimentum forte non semper succedit. Obtinetur quidem spiritus cum vaporibus rubris, sed hi non semper nitri præsentiam arguunt: aliter plurimæ aquæ gradatoriæ ex ferro, auro, zinco, partim etiam cupro, paratae, omniaque menstrua, mercurium rubro colore sublimantia præcipitantia huc pertinerent: qualis

qualis, exempli gratia, ex solutione ferri in spiritu salis fumante (ex sale ammoniaco et oleo vitrioli facto) cum octuplo butyri antimonii martialis destillatur: vel etiam si solutiones metallorum rubrorum cum addito sale ammoniaco secreto destillantur. Licet enim spiritus nitri concentratus fumis rubris ut plurimum videatur, tamen hoc ita proprium ei non est ut abesse non possit. Nam, si talis spiritus abstrahatur moderationi igne, vel a nitro crudo, vel ab arsenico, vel mercurio, vel alio quocunque metallo, præsertim albo; tincturam hanc suam rubram, licet volatilissimam sui partem, in abstracto corpore relinquit, et subviridis, licet debilior, tamen sincerus spiritus nitri transit. Aurum fugax, quod hac ratione abstractus in argento vel alio metallo relinquit, naturam metallicam horum fumorum, bene demonstrat. Neque chemici aliud quidpiam in via humida querunt, quam ut hanc tincturam rubram ex metallis imperfectioribus ope menstruorum extrahant, et in aurum figant.

Propius ad verum accedunt, qui acidum salis cum vegetabili combinant. Nullibi enim nitrum generatur, ubi non insimul sal commune occurrat. Sic solutiones vitrioli cyprini et salis ammoniaci fixi, confusæ, a præcipitato filtratae, inspissatae ad siccitatem, tunc cum aceto concentrato solutæ, iterum inspissatae, tandem destillatae, dant spiritum fumantem omni fere nota, nitrosum; simile quid obtinetur, si scoriæ reguli martialis chalybeati, fortiter reverberatae, in aceto destillato saepius alternatim solvantur et inspissentur, tandem cum sale ammoniaco fixo et vitriolo calcinato destillentur.

Facile vero videtur, non fumos rubros, non figuram prismaticam, non detonationem cum inflammabilibus, non solutiones metallorum specificas unumquodque

quodque solum, certa nitri signa præbere, sed plura concurrere debere, ut de vero nitro producto dubium non relinquatur.

LII. *An Essay towards solving a Problem in the Doctrine of Chances. By the late Rev. Mr. Bayes, F. R. S. communicated by Mr. Price, in a Letter to John Canton, A. M. F. R. S.*

Dear Sir,

Read Dec. 23, 1763. I Now send you an essay which I have found among the papers of our deceased friend Mr. Bayes, and which, in my opinion, has great merit, and well deserves to be preserved. Experimental philosophy, you will find, is nearly interested in the subject of it; and on this account there seems to be particular reason for thinking that a communication of it to the Royal Society cannot be improper.

He had, you know, the honour of being a member of that illustrious Society, and was much esteemed by many in it as a very able mathematician. In an introduction which he has writ to this Essay, he says, that his design at first in thinking on the subject of it was, to find out a method by which we might judge concerning the probability that an event has to happen, in given circumstances, upon supposition that we know nothing concerning it but that, under the same circum-